

丹陽詞一卷

葛勝仲

丹陽詞

目錄

江神子一調
漁家傲二調
行香子一調
木蘭花一調
西江月二調
定風波二調
浪淘沙一調
浣溪沙一調
鷓鴣仙一調
南鄉子二調
減字木蘭花一調
西江月一調
木蘭花一調

蝶戀花二調
鷓鴣天二調
訴衷情一調
滿庭霜一調
南鄉子一調
蝶戀花二調
浣溪沙三調
蓀山溪三調
虞美人二調
江城子二調
減字木蘭花一調
虞美人一調
浪淘沙一調
醉花陰一調

臨江仙一調
點絳脣一調
水調歌頭三調
醉蓬萊一調
浣溪沙一調
臨江仙一調
瑞鷓鴣一調
西江月四調
瑞鷓鴣一調
蝶戀花一調
臨江仙二調
鷓鴣天一調
鷓鴣天二調
浣溪沙二調

宋六十名家詞

臨江仙二調

臨江仙一調

浣溪沙一調

蝶戀花三調

鷓鴣仙一調

浪淘沙三調

二

丹陽詞

宋 葛勝仲

江神子（初至休寧冬夜作）

昏昏雪意慘雲容。獵霜風。歲將窮。流落天涯。憔悴一衰翁。清夜小窗圍獸火。傾酒綠。借顏紅。官梅疏豔小壺中。暗香濃。玉玲瓏。對景忽驚身在大江東。上國故人誰念我。晴嶂遠。暮雲重。

蝶戀花（二月十三日同安人生日作二首）

雨後春光濃似醉。著柳催花。節物侵龍忌。繡襦香閨當日珮。紫蘭宮墮人間世。歌管停雲香吐穠。碧酒紅裳。共祝魚軒貴。天上阿環金錄秘。龜鶴共壽三千歲。

又

共樂堂深簾不捲。側側寒輕。二月春猶淺。續壽競來歌舞院。龍涎香襯蛟綃段。畫棟朝飛雙語燕。端似知人。著意窺金盞。柳外花前同祝願。朱顏長在年齡遠。

臨江仙（尉姜補之託疾臥家作）

郊外黃垓端可厭。歸來移病香閨。象牀珍簟共委蛇。蒼葵尋草盡。天女散花遲。小雨作寒秋意晚。簷聲與夢相宜。冷侵羅幌酒煙微。試評書五朵。何似畫雙眉。

漁家傲（初創真意亭于南澤遊陟晚歸作）

巖壑縈回雲水窟。林深路斷迷煙客。茆屋數椽攜杖舄。人寂寂。侵簷萬箇琅玕碧。倦客羈懷清似滌。更無一點飛埃迹。溪漲漫流過几席。寒淅淅。景鷺點破琉璃色。

又

疊疊雲山供四顧。簿書忙裏偷閑去。心遠地偏陶令趣。登覽處。清幽疑是斜川路。野蕨溪毛供飲具。此身甘被煙霞病。興盡碧雲催日暮。招晚渡。遙遙一葉隨鷗鷺。

鷗鷺天（九月十三日攜家遊夏氏林亭燕集作并送馮詞）

小榭幽閑翠箔垂。雲輕日薄淡秋暉。菊英露浥淵明徑。藕葉風吹叔寶池。酬素景。泥芳卮。老人凝鈍強伸眉。懽華莫遣笙歌散。歸路從教燈影稀。

又

婆律香濃氣味佳。玻璃仙盤進流霞。凝膏清滌高陽醉。靈液甘和正焙芽。香染指。浪浮花。加箋禮盡客還家。貫珠聲斷紅蕖散。踏影人歸素月斜。

點絳脣（縣齋愁坐作）

秋晚寒齋。藥牀香篆橫輕霧。閑愁幾許。夢逐芭蕉雨。雲外哀鴻。似替幽人語。歸不去。亂山無數。斜日荒城鼓。

行香子（愁況無聊作）

風物纖纖。木落滄洲。漸老人不奈悲秋。羈懷都在，鬢上眉頭。似休文瘦，文通恨，子山愁。庭梧影薄，籬菊香浮。強招尋聊命朋儕。窮通皆夢，今古如流。且淵明徑，子猷舫，仲宣樓。

新裏情

清明寒食景暄妍。花映碧羅天。參差捍撥齊奏，豐頰擁芳筵。逢誕日，掛真仙。託爐煙。朱顏長似，頭上花枝，歲歲年年。

水調歌頭（程良器嘉慶別賦一闕，紀泛舟之會，往返次韻）

夜泛南溪月，光影冷涵空。棹飛穿碎金電，翻動水精宮。橫管何妨三弄，重醅仍須一斗，知費幾青銅。坐久桂花落，襟袖覺香濃。庾公開子猷舫，興應同。從來好景良夜，我輩敢情鍾。但恐仙娥川后，嫌我塵容俗狀，清境不相容。擊汰同情賞，賴有紫溪翁。

又

下瀨驚船駛，揮塵恐尊空。誰吹尺八寥亮，嚼徵更含宮。坐愛金波潋灩，影落蒲萄漲綠，夜漏儘移銅。回棹攜紅袖，一水帶香濃。坐中客，馳雋辨，語無同。青鞵黃帽此樂，誰肯換千鍾。巖壑從來無主，風月故應長在，賞不待先容。羽化尋煙客，家有左仙翁。

又

勝友欣傾蓋，羈宦嬾書空。愛君筆力清壯，名已在蟾宮。蕭散英姿直上，自有練裙葛屐，豈待半

通銅。長短作新語。墨紙似鴉濃。山吐月。溪泛艇。率君同。吾儕盡飲文字。樂不在歌鍾。今夜長風萬里。且倩泓澄浩蕩。一爲洗塵容。世上閑榮辱。都付塞邊翁。

木蘭花（與諸人泛溪作）

木蘭干外池光闊。午夜喬林迷岸樹。掠船涼吹起青蘋。縈水歌聲欺白雪。檀郎響趁紅牙節。胡語嘈嘈仍切切。人生何樂似同襟。莫待驪駒聲慘咽。

滿庭霜

（任昉嘗爲新安太守。風流名迹。圖經史牒具載。感今懷古作。）

百不爲多。一不爲少。阿誰昔仕吾邦。共推任筆。洪鼎力能扛。不爲桃花祿米。讎書倦一輩橫江。招尋處。徒行曳杖。曾不擁麾幢。山川真大好。魚磯無恙。密嶺難雙。聽訟訴多就。樵塢僧窗。歲月音容遠矣。風流在遐想。心降雲煙路。按奇弔古。時爲酌空缸。

醉蓬萊（天寧節作）

望葱蔥佳氣。虹渚祥開。斗樞光繞。析木天津。正靈暉騰照。鷺綴分班。象胥交貢。奉御觴清曉。玉殿寒輕。金徒漏永。瑞爐煙裊。萬寓均歡。示慈頒燕壽。祝南山慶。均鳬藻。縹緲紅雲。望九重天表。舞獸鏘洋。抃鼈欣戴。度管絃聲杳。麻草長新。蟠桃永秀。與天難老。

西江月

（正月十七日。與文中自邑境徧遊。歙縣祁門山水。十九日在黟邑同鑑觀夜燕作。）

羈宦新來作惡。窮途誰肯相從。追攀十日水雲中。情誼知君獨重。寂寂回廊小院。冥冥細雨。

尖風鳳山香雪定應空。昨夜疏枝入夢。

又

山鎮紅桃阡陌。煙迷綠水人家。塵容誤到只驚嗟。骨冷玉堂今夜。莫對佳人錦瑟。休辭洞府流霞。峯回路轉亂雲遮。歸去空傳圖畫。

南鄉子 （三月望日與文中諸賢泛舟南溪作）

柳岸正飛綿。選勝齋輕漾碧漣。笑語忘懷機事盡。鷗邊。萬頃溪光上下天。菰葦久延緣。不覺遙峯靄暮煙。對酒莫嫌紅粉陋。嬋娟。自有孤高月婦仙。

浣溪沙 （木芍藥詞）

可惜隨風面旋飄。直須燒燭看嬌饒。人間花月更無妖。濃麗獨將春色殿。繁華端合衆芳朝。南牀應爲醉陶陶。

又

通白輕紅溢萬枝。濃香百和透豐肌。丹山威鳳勢將飛。玉鏡臺前呈國豔。沈香亭北映朝曦。如花惟有上皇妃。

又

闌鴨闌邊曉露沾。華堂醉賞軸珠簾。插花人好手纖纖。遮護輕寒施翠幄。標題仙品露牙籤。

詞人遺恨獨江淹。

西江月（次韻林茂南博士紀泛溪）

山外半規殘日。雲邊一縷餘霞。滿城飛雪散蒼花。萬頃溪連罨畫。柳暉風流舊國。鶴齡滿酒人家。肯嗟流落在天涯。雲水從今起價。

又（代監酒和）

晚路交游綠酒。平生志趣青霞。霜風時節近黃花。泛宅舟將鷁畫。不分兩溪明月。夜深只屬漁家。今朝清賞寄情涯。肯向縈塗索價。

蝶戀花（和王廉訪）

風過漣漪紋縠細。十指香檀。驚破交禽睡。野蔌溪毛真易致。風流未減蘭亭會。擊汰千艘供洛禊。映水垂楊。萬縷拖濃翠。小海一聲波上戲。殷勤留客千金意。

臨江仙（燕諸部使者）

自古吳興稱冷僻。菰城水浸鰲鰲。回星難望使車塵。如何三日飲。併有五行人。文似枚臯加敏速。記書易若張巡。幕中無用郤嘉賓。他年浮聚會。莫忘兩溪春。

又

千古烏程新釀美。玉觴風過鰲鰲。歌聲未辨起梁塵。九天持斧客。來作繡衣人。夙有辭華驚

乙覽傳聞獻頌東巡。未應握節久賓賓。一封馳詔旨。卻醉上林春。

又（與葉少蘊夢得上巳遊法華山九曲池流杯）

小樣洪河分九曲。飛泉環繞繚繚。青蓮往事已成塵。羽觴浮玉甃。寶劍捧金人。綠綺且依流水調。蓬蓬搗鼓催巡。玉堂詞客是佳賓。茂林脩竹地。大勝永和春。

定風波（與葉少蘊陳經仲彥文燕駱駝橋少蘊作次韻二首）

千疊雲山萬里流。坐中碧落與鰲頭。真意見嬉吾已領。煙景不辭捧詔久汀洲。老去一官真。是漫溪岸。獨餘此興未能收。留與吳兒傳勝事。長記赤闌橋上攬清秋。

又

共喜新涼大火流。一聲水調聽歌頭。況有脩蛾兼粉領。佳景謝公無不礙滄洲。平昔短檠真。大漫氣岸。老來都向酒杯收。雲水光中修禊事。猶記轉頭不覺已三秋。

浣溪沙（少蘊內翰同年寵遠且出後堂并製歌詞侑觴卽席和韻二首）

今夜風光戀渚蘋。欲教四角出車輪。金釵離立座生春。神女恍驚巫峽夢。飛瓊原是閬風人。詔封後院寵儒臣。

又

溪岸沈深屬泛蘋。傾城容貌此推輪。可憐虛度二年春。暮暮來時騷客賦。朝朝新處後庭人。

天留花月伴羈臣。

又（少籍內翰同年寵速遣妓隱簾吹笙因成一闋）

東道殷勤玉笋飛。華燈傾國擁珠璣。玉奴嫌瘦玉環肥。縹緲幸聞縵嶺曲。參差猶隔夏侯衣。放開雲月出清輝。

瑞鷓鴣（和通判送別）

兩年人住豈無情。別乘辭華四水清。何事千鍾勤飲餞。故知一別未能輕。解龜雖幸樊籠出。挂席還愁海沙平。江草江花都是淚。驪駒休作斷腸聲。

浪淘沙（將去南陽作）

步履對東風。細探春工。百花堂下牡丹叢。莫恨使君來便去。不見鞦韆紅。霧眼一衰翁。無意芳穠。年來結習已成空。寄語國香雕檻裏。好爲人容。

暮山溪（天穿節和朱刑掾二首）

望雲門外。油壁如流水。空巷逐朱旂。步春風。香河七里。冶容輕服。摸名道宜男。穿翠竈。度飛橋。影在清漪裏。秦頭楚尾。千古風流地。試問漢江邊。有解珮。行雲舊事。主人是客。一笑強顏春。燒燈後。賞花前。遙憶年年醉。

又

春風野外。卵色天如水。魚戲舞綃紋。似出聽新聲北里。追風駿足。千騎卷高門。一箭過。萬人呼。雁落寒空裏。天穿過了。此日穿名地。橫石俯清波。競追隨新年樂事。誰憐老子。使得縱遨遊。爭捧手。乍憑肩。夾道遊人醉。

又

出門西笑。千里長安道。不用引離聲。使登榮十洲三島。畫船珠箔。蘋末水風涼。隨柳岸。楚臺人。景與人俱好。應嗟見晚。玉殿生清曉。正是妙年時。步承明。謀身須早。輶車膚使。新逐凱歌回。恩綽重。綵衣輕。嘉慶知多少。

西江月（二首一連水東樓燕集一泛舟）

豔曲醉歌金縷。朱門高聳銅鑲。中天樓觀共躋攀。飛絮落花春晚。低映綠陰朱戶。斜拖素練滄灣。銀鉤華榜五雲間。弈弈蛟龍字綰。

又

鞦韆斜紅帶柳。琉璃漲綠平橋。人間風月正新妖。不數江南蘇小。恨寄飛花蔌蔌。情隨流水迢迢。鯉魚風送木蘭桡。回棹荒雞報曉。

又（與王庭錫登燕集作）

清樾已生晝寂。孤花尙表春餘。象牀筠簟燕堂虛。初過晚涼微雨。珪璧新來北苑。鱸魚未減。

東吳。捧觴紅袖透香膚。不汜翔龍煙縷。

又（叔父慶八十會作）

瑞獸香雲輕裊。華堂繡幕低垂。人生七十尙爲稀。況是釣璜新歲。登俎青梅的皪。明闌紅藥芳菲。天教眉壽過期頤。常對風光沈醉。

浣溪沙（賞芍藥）

樓子包金照眼新。香根猶帶廣陵塵。翻階不羨掖垣春。不分與花爲近侍。難甘溱洧贈閑人。如羞如怨獨含顰。

虞美人（酬衛卿弟見贈）

三年曾不窺園樹。辛苦螢窗暮。怪來文譽滿清時。柿葉書殘猶自日臨池。春秋新學卑繁露。黃卷聊堪語。家人不用寄龜詩。行看昇平樓外化龍歸。

又

一輪丹桂窺窠樹。光景疑非暮。天公著意在茲時。掃盡微雲點綴展清池。尊前金奏無晨露。只有君房語。驪駒客莫賦歸詩。東道留連應賦不庸歸。（一作共踏青槐碎影夜閑歸）

瑞鷓鴣（工部七月一日生辰）

火風欲避金風至。秀氣充閭初降瑞。去家丁令卻歸來。還燕懸弧當日地。金章紫綬身榮貴。

壽福天儲昌又熾。怪來一歲四遷官。還過當生元太歲。

鵲橋仙（七夕）

鵲橋仙偶。天津輕渡。卻笑嫦娥孤皎。平時五夜似經年。問何事、今宵便曉。雲車將駕。神夫留戀。更吐心期多少。支機休浪與閑人。莫倚賴、芳心素巧。

江城子（呈劉無言）

浮家重過水晶宮。五年中。事何窮。無恙山溪。鬢影落青銅。欲向舊遊尋舊事。雲散彩。水流東。苔花向我似情鍾。舞霜風。雪濛濛。應怪史君。顏鬢便衰翁。賴是尋芳無素約。端不恨。綠陰重。

又（和無言雪詞）

飛身疑到廣寒宮。玉花中。興何窮。酒貴旗亭。誰是惜青銅。飄瞥三吳真妙絕。銀萬里。失西東。草堂紅蠟暖歌鍾。賞空濛。豐頰修眉。鶴氅擁仙翁。欲作氍毹花底客。清漏永。禁城重。

蝶戀花（章道祖係生日）

安石榴花濃綠映。解慍風輕。乍改朱明令。袞繡元臣門戶盛。童孫此日懸弧慶。夜宴華堂添酒興。除書遠帶天香。欲浥茗波供續命。不須龍護江心鏡。

南鄉子（九日用玉局翁韻作呈坐上諸公）

晴日亂雲收。人在蘋香柳渚洲。溪上清風樓上醉。颼颼。共折黃花插滿頭。佳客獻還酬。不負。

山城九日秋。茗碧下青供。酩酊休休。楚客當年浪自愁。

又

拂檻曉雲鮮。銷暑樓危竦半天。曾是攜賓當薦九。開筵。度木縈山奏管絃。黃菊映華顚。千騎重來已六年。樓下東流當日水。依然。更對周旋舊七賢。

減字木蘭花 （薛華明二侍姬。葛山觀梅。薛公會作。）

葛山仙隱。尚有餘膏留舊鼎。十里梅花。夾道爭看袞繡華。人間妙麗。並侍黃扉開國貴。僻壤孤芳。羞澀尊前不敢香。

臨江仙 （上巳日遊海昌王氏園。吳宰傷及中散兄。）

倦客身同舟不繫。輕帆來訪儒仙。春風元已豔陽天。天桃方散錦。高柳欲飛綿。千古海昌佳絕地。雙鳬暫此留連。通宵娛客破芳尊。蘭亭脩禊事。梓澤醉名園。

又 （席上和呈中散兄及吳令。）

寶觀岩巖飛雉堞。登臨恍欲升仙。獸桃官柳視吳天。春風寒食夜。遺恨在封綿。問道東溟才二里。銀濤直與天連。□□□□□尊。□□□□□消渴解文園。

減字木蘭花 （公弼姪初授官。）

辛勤場屋。未遇知音甘陸陸。詔錄遺忠。一札天書下九重。鵝城初命。此去青雲應漸近。解褐

恩新今歲吾家第四人

又（病起不見杏花作）

杏花零亂。擬把百觚來判斷。病臥漳濱。不見枝頭鬧小春。吾衰老矣。一醉花前猶不遂。情緒厭厭。虛度韶光又一年。

虞美人（自閬陵歸。冬夜飲嚴州酒作）

嚴陵灘畔香醪好。遮莫東方曉。春風盎盎入寒肌。人道霜濃臘月我還疑。紅爐火熟香圍坐。梅蕊迎春破。一聲清唱解人頤。人道牢愁千斛我誰知。

鷓鴣天

玉珩還飛換歲灰。定山新棹酒船回。年時梁燕雙雙在。肯爲人愁便不來。衰意緒。病情懷。玉山今夜爲誰頹。年時梅蕊垂垂破。肯爲人愁便不開。

西江月（送衛卿弟赴定遠簿）

萬卷舊推鴻博。一官且慰蹉跎。升平樓下賜危科。曾對鵬昂鰲坐。燕頷從來骨貴。鸞栖尙屈才多。今宵且共入無何。定遠功名么麼。

浪淘沙（十月十九夜賞菊）

我愛菊花枝。迥露偏宜。旋移佳種一年期。照眼黃金三徑爛。可但東籬。秋老摘花吹。敢恨開

遲。只愁一夜便香衰。待抽滿頭年大也。且泛芳卮。

鷓鴣天(賞菊二首)

黃菊鮮鮮帶露濃。小園開徧度香風。自翦玉醞酬朝色。旋洗霜須對晚叢。香在手。莫匆匆。尋芳今擬有人同。黃金委地新收得。莫道山翁到底窮。

又

采采黃花鵲彩濃。吹開一夜爲霜風。已邀騷客陶元亮。不用歌姬盛小叢。秋易老。莫匆匆。齊山高興古今同。欲知此地花多少。一眼金英望不窮。

木蘭花(十二月二十日盧姊生辰)

談圍曾蔽青綾帳。林下中年敦素尚。煙波偶趁一帆風。卻鎖雲扃來就養。自從悟得空無相。身把虛空來作樣。大千沙界抹爲塵。未比無生真壽量。

醉花陰(次韻印師)

東皇已有來歸耗。十里青山道。凍拚萬林梅。一夜妝成。似趁鳴雞早。年時清賞曹同到。先仗遊蜂報。抖擻舊心情。一笑酬春。不羨和羹詔。

浣溪沙(賞梅)

東閣郎官巧寫真。西湖處士妙傳神。嫣然一笑臘前春。鬪好雖無冰骨女。相宜幸是雪髯人。

且煩疏影入清尊。

又（小飲）

盤裏明珠芡實香。尊前堆雪脣絲長。何妨羌管奏伊涼。翠葆重生無復日。白波不醕有如江。壁間醉墨任淋浪。

臨江仙（章國賞瑞香二首）

二月風光濃似酒。小樓新溼青紅。碧琉璃色映羣峯。更攬金鑿落。來賞錦薰籠。調客舊留□。月旦此花清。杼纖穠。未饒蘭惠轉光風。赤闌呈雅豔。翠幕護芳叢。

又

雪壁歌詞題尙溼。春風又見輕紅。一枝斜插映頭峯。不辭連夜賞。銀燭透紗籠。白髮欺人今老矣。尊前羞見繁穠。清香尤嫵虎溪風。海棠須避席。佳種漫蠶叢。

浣溪沙（賞酴醿）

一夜狂風盡海棠。此花天遣殿羣芳。芝蘭百濯見眞香。勸客淋浪燈底韻。惱人魂夢枕邊囊。一枝□插不□□。

鵲橋仙（七夕）

涼颼破暑。清歌縈坐。缺月稀星庭戶。瓜華草草具杯盤。喜共浥初筵零露。天孫東處。牽牛西

望。勸汝一杯清醕。精靈何必待秋通。爲一洗朦朧今古。

臨江仙（二月廿二日錦薰閣賞花）

檻外奇葩江外種。嬌春未減。輕紅畫樓晴日。斂雲峯。佛香來海岸。蜀錦薦燈籠。今夜那憂殺。風景。酒花來鬪妖濃。江梅冷淡。避春風。明朝來縱賞。應醉綺羅叢。

蝶戀花（次韻張千里駒照花）

二月春遊須爛熳。秉燭看花。只爲晨曦短。高舉蠟薪通夕看。紅光萬丈騰天半。寄語平時遊冶伴。不負分陰。勝事輸今段。燈火休催歸小院。殷勤更照桃花面。

又（再次韻千里駒照花）

百紫千紅今爛熳。舉燭輝花。莫厭燒今短。酒裏逢花須細看。人生誰是英雄半。安得紅顏爲老伴。妙舞花前。楊柳誇身段。已倒玉山迴竹院。清香不斷風吹面。

又

已過春分春欲去。千炬花間。作意留春住。一曲清歌無誤顧。繞梁餘韻歸何處。盡日勸春春不語。紅氣蒸霞。旦看桃千樹。才子霏談更五鼓。剩看走筆揮風雨。

浪淘沙（九月十八日與千里貨菊三首）

又見菊花新。色淺香勻。老人衰病臥漳濱。雖是無聊仍止酒。幸有嘉賓。不用怨蕭辰。不似芳

春。請看金蕊照金尊。今夜花前須醉倒。直到黎明。

又

歌闋闌清新。檀板初勻。畫堂新築太湖濱。好是黃花開應候。聊宴親賓。上客卽逢辰。況是青
春。上林開宴錫堯尊。今夜素娥真解事。偏向人明。

又

娛老小亭新。丹堊初勻。萬枝金菊繞溪濱。折向華堂遮醉眼。聊用娛賓。紅燭夜香辰。廣坐生
春。月波新釀入芳尊。好向花前拚爛醉。不負承明。

丹陽詞終

丹陽詞跋

魯卿常之。雖不逮李氏晏氏父子。每填一詞。輒流傳絲竹。然紹興紹聖間。俱負海內重望。其詞亦能入雅字。常之歸愚詞。余梓行既久。復訂丹陽詞一卷。以公同好。如魯卿出處大略。已詳鴻慶序中矣。海虞毛晉識。